

庾開府詩集序



庾信字子山南陽新野人幼而俊邁聰敏絕倫博覽羣書尤善春秋左氏傳父肩吾爲梁太子中庶子堂管記東海徐摛爲左衛率摛子陵及信並爲鈔撰學士父子出入禁闈恩禮莫與比隆旣文並綺豔故世號徐庾體爲一時所重累遷通直散騎常侍聘于東魏文章辭令稱於鄴下梁元帝承制除御史中丞及卽位轉右衛將軍聘于西魏屬大軍南討遂留長安江陵平累遷儀同三司陳氏與周通好流寓之士各許還舊里武帝惜信才不遣尋徵爲司宗中大夫明帝武帝並雅好文學信特蒙恩禮羣公碑誌多相托焉信雖通顯常有鄉關之思乃作哀江南賦以致意焉信養母至孝及母歿居喪哀毀大冢宰晉國公嘗謂人曰庾信南人羈士至孝天然居喪過禮殆將滅性寡人一見遂不忍看其至德被知如此尤善工詩杜子美謂清新庾開府者是也

庚開府詩集卷一



周祀圓丘歌

庚信子山

昭夏

重陽禋祀大報天景午封壇肅且圓孤竹之管雲和
弦神光來下風肅然王城七里通天臺紫微斜照影
徘徊連珠合璧重光來天策斲轉鉤陳開

皇夏

旌迴外墻蹕靜郊門千乘按轡萬騎雲屯藉茅無咎
掃地惟尊揖讓展禮衡璜節步星漢就列風雲相顧
取灋於天降其永祚

庚集一

昭夏

日至大禮豐犧上辰牲牢脩牧繭栗毛純俎豆斯立
陶匏以陳大報反命居陽兆日六變鼓鐘三和琴瑟
俎奇豆偶惟誠惟質

昭夏

圓玉已奠蒼幣斯陳瑞形成象璧氣含春禮從天數
智總圓神為祈為祀至敬咸遵

皇夏

七里是仰八陛有憑就陽之位如日之升思虔肅肅
致敬繩繩祝史陳信玄象斯格惟類之典惟靈之澤
幽顯對揚人神咫尺

長吉本此

雲門舞

獻以誠鬱以清山巒舉沈齊傾惟尚饗洽皇情降景福通神明

雲門舞

長丘遠歷大電遙源弓藏高隴鼎沒寒門人生于祖物本於天奠神配德迄用康年

登歌

歲之祥國之陽蒼靈敬翠雲長鳥為飾龍為章乘長日坏蟄戶烈雲漢迎風雨六呂歌雲門舞省滌濯奠牲牲鬱金酒鳳皇尊迴天睠顧中原

皇夏

庾集一

二

國命在禮君命在天陳誠惟肅飲福惟虔洽斯百禮福以千年鉤陳掩映天駟徘徊彫禾飭翠羽承壘受斯茂祉從天之來

雍樂

禮將畢樂將闋迴日轡動天關翠鳳搖和鸞饗五雲飛三步上風為馭雷為車無轍迹有煙霞暢皇情休靈命雨留甘雲餘慶

皇夏

六典聯事九司咸則率由舊章於焉允塞掌禮移次燔柴在焉煙升玉帛氣歛牲牲休氣馨香膋芳昭晰翼翼虔心明明上徹

皇夏

玉帛禮畢人神事分嚴承乃睠瞻仰迴雲輦路千門
王成九軌式道移候司方迴指得一惟清於萬斯寧
受茲景命于天告成

周祀方澤歌

昭夏

報功陰澤展禮玄郊平琮鎮瑞方鼎升庖調歌絲竹
縮酒江茅聲舒鐘鼓器質陶匏列耀秀華凝芳都荔
川澤茂祉丘陵容衛雲飾山壘蘭浮汎齊日至之禮
歆茲大祭

昭夏

履其一

三

一

曰若厚載欽明方澤敢以敬恭陳之玉帛德包舍養
功藏靈迹斯箱既于子孫則百

登歌

質明孝敬求陰順陽壇有四陛琮爲八方牲牲蕩滌
蕭合馨香和鑿戾止振鷺來翔威儀簡簡鐘鼓喤喤
聲和孤竹韻入空桑封中雲氣坎上神光下元之主
功深蓋藏

皇夏

司筵撤席掌禮移次迴顧封壇恭臨坎位瘞玉埋俎
藏芬歛氣是曰就幽成斯地意

周祀五帝歌

皇夏

嘉玉惟芳。嘉幣惟量。成形依禮。稟色隨方。神班其次。歲禮惟常。威儀抑抑。率由舊章。

皇夏

惟令之月。惟嘉之辰。司壇宿設。掌史誠陳。敢用明禮。言功上神。鉤陳旦闢。閭闔朝分。旒垂為冕。樂奏山雲。將迴靈策。斲轉天文。五運周環。四時代序。鱗次玉帛。循迴樽俎。神其降之。介福斯許。

青帝雲門舞

甲在日鳥中星。禮東后奠蒼靈樹春旗。命青史候鷹還。東風起歌木德舞震宮。泗濱石龍門桐孟之月。陽

庚集一

四

之天億斯慶兆斯年

配帝舞

帝出於震。蒼德於神。其明在日。其位居春。勞以定國。功以施人。言從配祀。近取諸身。

赤帝雲門舞

招搖指午對南宮。日月相會實沈中。離光布政動溫風。純陽之月樂炎精。赤雀丹書飛送迎。朱絃絳鼓罄虔誠。萬物含養各長生。

配帝舞

以炎為政。以火為官。位司南陸。享配離壇。三和實俎。百味浮蘭。神其茂豫。天步艱難。

黃帝雲門舞

三光儀表正。四氣風雲同。戊巳行祕曆。黃鐘始變宮。
平琮禮內鎮。陰管奏司中。齊壇芝曄曄。清野桂馮馮。
夕牢芬六鼎。安歌韻八風。神光乃超忽。嘉氣恒葱蔥。
配帝舞

四時咸一德。五氣或同論。猶吹鳳皇管。尚對梧桐園。
器園居土厚。位總配神宗。始知今奏樂。還用我雲門。
白帝雲門舞

肅靈兌景承。配秋壇雲高。火落露白蟬。寒帝律登年。
金精行令瑞。獸霜耀祥禽。雪暎司藏肅。殺萬寶咸宜。
厥田上上收。功在斯。

庚集一

配帝舞

金行秋冷。白帝朱宣。司正五雉。歌庸九川。執文之德。
對越彼天。介以福祉。君子萬年。

黑帝雲門舞

北辰為政。玄壇北陸之祀。員官宿設。玄圭浴蘭坎德。
陰風御寒。文律將迴。竊紀微陽。欲動細泉。管猶調於
陰竹。聲未入於春絃。待歸餘於送曆。方履慶於斯年。

配帝舞

地始坼。虹始藏。服玄玉。居玄堂。沐蕙氣。浴蘭湯。匏器
絜水。泉香。陟配彼福。無疆。君欣欣。此樂康。

周宗廟歌

皇夏

肅肅清廟。巖巖寢門。欽器防滿。金人戒言。應輦懸鼓。崇牙樹羽。階變升歌。庭紛為舞。閑安為設。緝熙清奠。春鮪初登。新萍先薦。悛然入室。儼乎在位。悽愴履之。非寒之謂。

昭夏

永維祖武。潛慶靈長。龍圖革命。鳳曆歸昌。功移上塚。德耀中陽。清廟蕭蕭。猛虞煌煌。曲高大夏。聲和盛唐。牲牲蕩滌。蕭合馨香。和鑿戾止。振鷺來翔。永敷萬國。是則四方。

皇夏

年祥辨日。上協龜言。奉酌承列。來庭駿奔。雕禾飾宇。翠羽承檜。敬殫如此。恭惟執燔。

庾集一

六

皇夏

慶緒千重。秀鴻源萬里。長無時猶戢。翼有道故韜。光盛德必有後仁。義終克昌。明星初肇。慶大電久呈祥。

皇夏

克昌光上烈。基聖穆西藩。崇仁高涉渭。積德被居原。帝圖張往迹。王業茂前尊。重芬德陽廟。疊慶壽陵園。百靈光祖武。千年福孝孫。

皇夏

雄圖屬天造。宏略遇羣飛。風雲猶聽命。龍躍遂乘機。

百二當天險，三分拒樂推。函谷風塵散，河陽氛霧晞。
濟弱淪風起，扶危頽運歸。地紐崩還正，天樞落更追。
原祠乍超忽，畢隴或綿微。終封三尺劔，長卷一戎衣。
皇夏

月靈興慶沙，祥發源功參。禹迹德贄堯，門言容典禮。
禴狄微章儀，形温德令問。昭陽日月不居歲，時晚晚。
瑞雲纏心闕，宮惟遠。
皇夏

龍圖基代德，天步屬艱難。謳歌還受瑞，揖讓乃登壇。
升輿芒刺重，入位據關寒。卷舒雲汎濫，游揚日浸微。
出鄭終無反，居桐竟不歸。祀夏今惟舊，尊靈謚更追。
皇夏

庾集一

二

皇夏

南河吐雲氣，北斗降星辰。百靈咸仰德，千年一聖人。
書成紫微動，律定鳳凰馴。六軍命西土，甲子成東鄰。
戎衣此一定，萬里更無塵。煙雲同五色，日月並重輪。
流沙旣西靜，蟠木又東臣。凱樂聞朱鷹，鏡歌見白麟。
今爲六代祀，還得九疑賓。

皇夏

禮。殫。裸。獻。樂。極。休。成。長。離。前。揆。宗。祀。文。明。縮。酌。浮。蘭。
澄。鬯。合。鬯。磬。折。禮。容。旋。迴。靈。貺。受。釐。撤。俎。飲。福。移。樽。
惟。光。惟。烈。文。子。文。孫。

皇夏

庭。闕。四。始。筵。終。三。薦。顧。步。堦。墀。徘徊。餘。奠。六。龍。矯。首。
七。萃。警。途。鼓。移。行。漏。風。轉。相。烏。翼。翼。從。事。綿。綿。四。時。
惟。神。降。嘏。永。言。保。之。

周大禘歌

昭夏

律。在。夾。鍾。服。居。蒼。袞。杳。杳。清。思。綿。綿。長。遠。就。祭。於。合。

虞集

八

班。神。於。本。來。庭。有。序。助。祭。有。章。樂。舞。六。代。賓。歌。二。王。
和。鈴。以。節。條。革。斯。鏘。齊。宮。饌。玉。鬱。學。浮。金。洞。庭。鐘。鼓。
龍。門。瑟。琴。其。樂。已。變。惟。神。是。臨。

登歌

神。惟。顯。思。不。言。而。令。玉。帛。之。禮。敢。陳。莊。敬。奉。如。弗。勝。
薦。如。受。命。交。於。神。明。懋。于。言。行。

周五聲調曲

宮調曲五首

氣。離。清。濁。割。元。開。天。地。分。三。才。初。辨。正。六。位。始。成。文。
繼。天。爰。立。長。安。民。乃。樹。君。其。明。廣。如。日。其。澤。厚。如。雲。
惟。咎。我。文。祖。撥。亂。拒。謳。歌。三。分。未。撫。運。八。百。不。陵。河。

禮敷天下信樂正神人和風塵行息警江海欲無

我皇承下武革命在君臨膺圖當舜玉嗣德受堯琴

沈首我推運陽城有讓心就口先知遠觀淵早見深

玄精實委御蒼正乃皆平履一作朝萬國年祥一作慶

百靈玉帛咸觀禮華戎各在定鳳響中夷則天文正

玉衡皇基自天保萬物乃由庚

握衡平地紀觀為正天樞祺祥鍾赤縣靈瑞炳皇都

更受昭華玉還披蘭葉圖金波來白兔弱木下蒼烏

玉斗調元協金沙富國租青丘還擾圃丹穴更巢梧

安樂新咸慶長生百福符

明明九族序穆穆四門賓陰陵朝北附蟠木引東臣

庾集一

九

澗途求板築溪源取釣綸多士歸賢戚維城屬茂親

貴位連南斗高榮據北辰迎時乃推策司職且班神

日月之所照霜露之所均永從文軌一長無外人

鬱盤舒棟宇崢嶸侔大壯拱木詔林衡全摸徵梓匠

干櫨綺翼浮百棋長虹抗北去邯鄲道南來偃師望

龍首載文攬雲楣承武帳居者非求隘卑宮豈難尚

壯麗天下觀是以從簫相

變宮調二首

帝遊光出震君明擅在離巖廊惟眷顧欽若尚無為

龍穴非難拊鸞巢欲可窺具茨應不遠汾陽寧足隨

烝民播殖重溝洫劬勞多桑林還注雨積石遂開河

明徵逢永命平秩值年和更有薰風曲方聞晨歌

移風廣軒曆崇德盛唐年成文興大雅出豫動鈞天

黃鐘六律正閭闔八風宣孤竹調陽管空桑節雅絃

舞林鸞更下歌山鳳欲前聞音能辨俗聽曲乃思賢

感物觀治亂治心防未然君子得其道太平何有焉

商調曲四首

君以宮唱寬大而謨明臣以商應聞義則可行有熊

為政訪道於容成殷湯受命委任於阿衡忠其敬事

有罪不逃刑誦其箴諫言之無隱情有剛有斷四方

可以寧既頌既雅天下乃升平專精一致金石為之

開動其兩心妻子恩情乖苟利社稷無有不盡懷昊

廣集一

天降祐元首惟康哉

百川俱會大海所以深羣材既聚故能成鄧林猛虎

在山百獸不敢侵忠臣處國天下無異心管我文祖

執心且危慮驅翦豺狼經營此天步今我受命又無

敢逸豫惟爾弼諧各可知競懼

禮樂既正人神所以和玉帛有序志欲靜干戈各分

符瑞俱誓裂山河今日相樂對酒且當歌道德以喻

聽撞鐘之聲神姦不若觀鑄鼎之形豐宮既朝諸侯

於是穆岐陽或狩准夷自此平若涉太川言憑於舟

楫如和鼎實有寄於鹽梅君臣一體可以靜氛埃得

人則治何世無奇才

風力是舉而台階序平重黎既登而天地位成功無
與讓銘太常之旌世不失職受駢毛之盟輯瑞班瑞
穆穆於堯門惟翰惟屏臚臚於周原功成而治定禮
樂斯存復子而明辟姬旦何言

角調曲二首

止戈見於絕轡之野稱伐聞於丹水之征信義俱存
乃先忘食五材並用誰能去兵雖聖人之大寶曰位
實天地之大德曰生涇渭同流清濁異能琴瑟並御
雅鄭殊聲擾擾烝人聲教不一茫茫禹跡車軌未并
志在四海而尚恭儉心包宇宙而無驕盈言而無文
行之不遠義而無立勤則無成惻隱其心訓以慈惠

庚集一

七

流宥其過哀矜典刑

匡贊之士或從漁釣雲雨之才乍歎幽谷尋芳者追
深逕之蘭識韻者探窮山之竹克明其德貢以三事
樹之風聲言于九牧協用五紀風若從時農用八政
甘作其穀殊風共軌見之周南異畝同穎聞之康叔
祁寒暑雨是無胥怨天覆雲油滋焉滌漉幸無謝上
古之淳人庶可以封之於比屋

徵調曲六首

乾坤以含養覆載日月以貞明照臨達人以四海爲
務明君以百姓爲心水波瀾者源必遠樹扶疎者根
必深雲雨取施無不洽廊廟求才多所任

淳風布政常無欲。至道防人能變俗。求仁義急於水。火用禮讓多於菽粟。屈軼無佞人可指。獬豸無繁刑可觸。王道蕩蕩用無爲。天下四人誰不足。

聖人千年始一生。黃河千年始一清。攝提以之而從紀。玉燭於是而文明。東南可以補地闕。西北可以正天傾。浮龜則東海可厲。運鍾則南山可平。衆僊就朝於瑤水。羣帝受享於明庭。懷和則棘任並奏。功烈則鍾鼎俱銘。

三光以詭物呈形。四時以裁成正位。雷風大山岳之響。寒暑通陰陽之氣。武功則六合攸同。文教則二儀經緯有道。則咸浴其德。好生則各繁其類。白日經天。

原集一

三

中則移明月。橫漢滿而虧。能虧能闕。既無爲。雖盈雖滿。則不危。開信義以爲苑囿。立道德以爲城池。周監二代所損益。郁郁乎文。其可知。庖犧之親臨。佃漁神農之躬秉稼。穡湯則救旱而憂勤。禹則正冠而無暇。草上之風無不偃。君子之耻知可化。將欲比德於三皇。未始追蹤於五霸。

纖纖不絕林。薄成涓涓。不止江河。生事之毫髮。無謂輕慮。遠防微乃不傾。雲宮乃垂拱。大君鳳曆。惟欽明元首。類上帝而禋六宗。望山川而朝羣后。地鏡則山澤俱開。河圖則魚龍合負。我之天綱。莫不該。閭闔九關。天門開。卿相則風雲玄感。匡贊則星辰下來。既興

周室之三聖。乃舉唐朝之八才。莘臣參謀於左相。大老教政於中台。其宜作則於明哲。故無崇信於四。正陽和氣萬類繁。君王道合天地尊。黎人耕植於義圖。君子翱翔於禮園。落其實者思其樹。飲其流者懷其源。咎繇爲謀不仁遠。士會爲政羣盜奔。克寬則昆蟲內向。彰信則殊俗宅心。浮橋有月。支抱馬上。苑有烏孫學琴。赤玉則南海輸賚。白環則西山獻琛。無勞鑿空於大夏。不待蹶角於蹠林。

羽調曲五首

樹君所以牧人立。灋所以靜亂。首惡旣其南巢。元凶於是北竄。居休氣而四塞。在光華而雨旦。是以雨施

庚集一

十三

作解。是以風行惟渙。周之文武洪基。光宅天下。文思千載。克聖咸熙。七百在我。應期實昊。天有成命。惟四方其訓之。

運平後親之俗。時亂先踈之雄。踰桂林而驅烏。濟弱水而承鴻。旣浮干呂之氣。還吹入律之風。錢則都內賈朽。倉則常平粟紅。火中乃寒。乃暑。年和一風。一雨。聽鐘磬念封疆。聞笙竽思蓄聚。瑤琨篠蕩旣從。怪石鉛松卽序。長樂善馬成廐。水衡黃金爲府。

百川乃宗。巨海衆星。是仰北辰。九州攸同。禹跡四海。合德堯臣。朝陽棲於鳴鳳。靈時牧於般麟。雲玉葉而五色。月金波而雨輪。涼風迎時。北狩小暑。戒節南巡。

昌黎句法
本此

山無藏於紫玉地不受於黃銀雖南征而北怨實西
略而東賓既永清於四海終有慶於一人

定律零陵玉管調鐘始平銅尺龍門之下孤桐泗水
之濱鳴石河靈於是讓珪山精所以奉璧滌九川而
賦稅琴三危而納錫北里之禾六穗江淮之茅三脊
可以玉檢封禪可以金繩探冊終永保於鴻名足揚
光於載籍

太上之有立德其次之謂立言樹善滋於務本除惡
窮於塞源冲深其智則厚昭明其道乃尊仁義之財
不匱忠信之禮無繁動天無有不屈惟時無幽不徹
作德心逸日休作僞心勞日拙自非剛克掩義無所

離于勦絕

庾集一

七

庾開府詩集卷一

庾開府詩集卷二

詩

庾信 子山

奉和永豐殿下言志 十首

立德齊今古。咨仁一毀譽。無機抱甕汲。有道帶經鋤。
 處下唯名惠。能賢本姓蘧。未論驚寵辱。安知繫慘舒。
 王子從邊服。臨邛惜第如。星橋擁冠蓋。錦水照簪裾。
 論文報潘岳。詠史答應璩。帳幕參三顧。風流盛七
 茫。茫實宇宙。與善定馮虛。大夫傷魯道。君子念殷墟。
 程卿既開國。安平遂徙居。詎能從小隱。終能遊太
 直城風日美。平陵雲霧除。來往金張館。絃歌許史閭。

庾集二

一

一

鳳臺迎弄玉。河陽送婕妤。五馬遙相問。雙童來夾

託情欣六學。遊目愛三餘。覆局能懸計。看碑解暗疏。

詎嘗遊魏冉。郝時說范睢。池水朝含墨。流螢夜擊

興雲榆莢晚。曉薤杏花初。滌池浸黍稷。谷水播菑畬。

六月蟬鳴稻。千金龍骨渠。含風搖古渡。防露動於林

自憐循短綆。方欲開長沮。茂陵體猶瘠。淮陽疾未祛。

翻疑承毒水。忽似遇昌菹。漢陽嗟欲盡。咎繇懼忽謹

弱齡參顧問。疇咎濫吹嘘。綠槐垂學市。長楊映直廬。

連盟翻滅鄭。仁義反亡徐。還思建鄴水。終憶武昌魚

崩堤墜故柳。衰社卧寒樗。野鶴能自獵。江鷗解獨漁。

漢陰逢荷篠。續林見杖藜。阮籍長思酒。嵇康懶著書

披林求木實，拂雪就園蔬。濁醪非鶴髓，蘭肴異蠪蛆。
野情風月曠，山心人事疏。徒知守矧甃，空欲報璠璵。

五言和宇文京兆遊田

小苑禁門開，長楊獵客來。懸知畫眉罷，走馬向章臺。
澗寒泉反縮，山晴雲倒回。熊饑獨舐掌，鴈重自銜枚。
美酒餘杭醉，芙蓉卽奉杯。

五言和何儀同講竟述懷

無名卽講道，有動定論機。安弦讓禮席，正業理儒衣。
似得遊焉趣，能同捨講歸。石渠人少歇，華陰市甕稀。
秋雲似晚氣，短景側餘輝。螢排亂草出，鷹捨斷蘆飛。
別有平陵徑，蕭條容鬢衰。饑噪空倉雀，寒驚懶婦機。

庾集二

二

實欣懷謏問，逢君理入微。

和王少保遙傷周處士

冥漠爾遊岱，淒涼余向秦。雖言異生死，同是不歸人。
替余仕寇蓋，值子避風塵。望氣求真隱，伺關待逸民。
忽聞泉石友，芝桂不防身。悵然張仲蔚，悲哉鄭子真。
三山猶有鶴，五柳更應春。遂令從渭水，投釣往江濱。

擬詠懷二十七首

步兵未飲酒，中散未彈琴。索索無真氣，昏昏有俗心。
涸鮒常思水，驚飛每失林。風雲能變色，松竹且悲吟。
由來不得意，何必往長岑。
倏忽市朝變，蒼茫人事非。避讒應采葛，忘情遂食薇。

起首四句
絕似唐人

漸啟唐風

懷愁正搖落中心愴有違獨憐生意盡空驚槐衰樹

赭衣居傅巖垂綸在渭川乘舟能上月飛憶欲捫天

誰知志不就空有直如弦洛陽蘇季子連橫遂不連

既無六國印翻思二頃田

俎豆非所習帷幄復無謀不言班定遠應為萬里侯

燕客思遼水秦人望隴頭倡家遭強聘質子值仍留

自憐才智盡空傷年鬢秋

楚材稱晉用秦臣即趙冠離宮延子產羈旅接陳完

寓衛非所寓安齊獨未安雪泣悲去魯悽然憶相韓

唯彼塗窮慟知余行路難

惟忠且惟孝為子復為臣一朝人事盡身名不足親

庚集二

吳起長辭魏韓非遂入秦壯情已消歇雄圖不復申

移住華陽下終為關外人

疇眷國士遇生平知己恩直言珠可吐寧知炭可吞

一顧重尺璧千金輕一言悲傷劉孺子悽愴史皇孫

無因同武騎歸守霸陵園

日色臨平樂風光滿上蘭南國美人去東家棗樹完

抱松傷別鶴向鏡絕孤鸞不言登隴首唯得望安長

榆關斷音信漢使絕經過胡笳落淚曲羌笛斷腸歌

孀腰減束素別淚損橫波恨心終不歇紅顏無復多

枯木期填海青山望斷河

白馬向清波乘米始渡河置兵須近水移營喜竈多

悲壯凌、
使入氣索

直法

長坂初垂翼，鴻溝遂倒戈。
的顛於此去，虞兮柰若何。
空營衛青冢，徒聽田橫歌。

北臨玄菟郡，南戍朱鳶城。
共此無期別，俱知萬里情。
管常遊令尹，今時事客卿。
不特貧謝富，安知死羨生。

懷秋獨悲此，平生何謂平。

悲歌度燕水，弭節出陽關。
李陵從此去，荆卿不復還。

故人形影滅，音書兩俱絕。
遙看塞北雲，懸想關山雪。

遊子河梁上，應將蘇武別。

鬪麟能食日，戰水定驚龍。
鼓鞞喧七萃，風塵亂九重。

鼎湖去無返，蒼梧悲不從。
徒勞銅雀妓，遙望西陵松。

搖落秋為氣，淒涼多怨情。
啼枯湘水竹，哭壞杞梁城。

庚集二

四

天亡遭憤戰，日感值然兵。
直虹朝暎壘，長星夜落營。

楚歌饒恨曲，南風多死聲。
眼前一杯酒，誰論身後名。

周王逢鄭忿，楚后值秦冤。
梯衝已鶴烈，冀馬忽雲屯。

武安擔瓦振，昆陽猛獸奔。
流星夕照境，烽火夜燒原。

古獄饒冤氣，空庭多枉魂。
天道或可問，微兮不忍言

橫流邁屯憑，上塲結重氛。
哭市聞妖獸，頽山起怪雲。

綠林多散卒，青波有敗軍。
智士今安用，忠臣且未聞。

憐無萬金產，東求滄海君。

吉士長為吉，善人終日善。
大道忽云乖，生民隨事蹇。

有情何可豁，忘懷固難遣。
麟窮季氏冒，虎振周王園。

平生幾種意，一旦衝風卷。

醉息千載
可憐慨歎

無悶無不悶。有待何可待。昏昏如坐霧。漫漫擬行海。
千年水未清。一代人先改。晉日東陵侯。唯見瓜瓞在。
六國始咆哮。從橫未定交。欲競連城玉。翻徵縮酒茅。
折骸猶換子。登甕已懸巢。壯水初開地。盲風正折膠。
浮雲飄馬足。明月動弓梢。楚師正圍鞏。秦兵未下嶠。
始知千載內。無復有申包。
懷抱獨昏昏。平生何所論。由來千種意。併是桃花源。
穀皮兩書帙。壺盧一酒樽。自知費天下。也復何言足。
橫石五三片。長松一兩株。對君俗人眼。真與理當無。
野老披荷葉。家童掃栗栗。跼竹林千戶。封甘樹萬頭。奴
君見愚公谷。真言此谷愚。

庾集二

五

可泣鬼神

日晚荒城上。蒼茫餘落暉。都護樓蘭反。將軍疎勒歸。
馬有風塵氣。人多鬪塞衣。陣雲平不動。秋蓬卷欲飛。
聞道樓船戰。今年不解圍。
蕭條亭障遠。悽慘風塵多。關門臨白社。城影入黃河。
秋風別蘓武。寒水送荆軻。誰言氣梗世。晨起帳中歌。
被甲陽雲臺。重雲久未開。雞鳴楚地盡。鶴唳秦軍來。
羅梁猶下磻。揚排久飛灰。壯門車軸折。吾王不迴復。
尋思萬戶侯。中夜忽然愁。琴聲遍屋裏。書卷滿牀頭。
雖言夢蝴蝶。定自非莊周。殘月如初月。新秋似舊秋。
露泣連珠下。螢飄碎火流。樂天乃知命。何時能不憂。
憤憤天公曉。精神殊乏少。一郡催曙雞。數處驚眠鳥。

其學乃于于其憂唯悄悄張儀稱行薄管仲稱器小
天下有情人居然性靈天
在死猶可忍爲辱豈不寬古人持此性遂有不能安
其面雖可熱其心長自寒匣中取明鏡披圖自照看
幸無侵餓理差有犯兵攔擁節時驅傳乘亭不據鞍
代郡蓬初轉遼陽桑欲乾秋雲粉絮結白露水銀團
一思探禹穴無用鑿臯蘭

楊柳歌七言

河邊楊柳百丈枝別有長條宛地垂河水衝激根株
危微忽河中風浪吹可憐巢裏鳳皇兒無故當年生
別離流槎一去上天池織女支機將見隨誰言從來

庚集二

六

蔭數國直用東南一小枝管日公子出南皮何處相
尋玄武陂駿馬翩翩西北馳左右彎弧仰月支連錢
障泥渡水騎白玉手板落盤螭君言丈夫無意氣試
問燕山擲得碑鳳皇新管蕭史吹朱鳥春窻王女窺
銜雲酒杯赤瑪瑙照日食螺紫琉璃百年霜露奄離
披一旦功名不可爲定是懷王作計誤無事翻覆用
張儀不如飲酒高陽池日暮歸時倒接鬪武昌城下
誰見移官渡管前邴可知獨憶落絮鵝毛下非復青
絲馬尾垂欲與梅花留一曲共將長笛管中吹

奉和初秋

落星初伏火秋霜正動鐘北閣連橫漢南宮暎鑿龍

祥鸞棲竹實靈蔡上芙蓉自有南風曲還來吹九重

北園新齋成應教

虹粉跂鳥翼山節拱蘭枝畫梁雲氣繞彫窻玉女窺
月懸唯返照蓮開常倒垂盤根紐壞石行雨暴澆池
長藤連格徙高樹帶巢移鳥聲唯雜曲花風直亂吹
白虎題書觀玄熊帖射皮文弦入舞曲扇月掩歌兒
玉節調笙管金船代酒卮若論曹子建天人本共知

奉和闡弘二教應詔

五明教已設三元灑復開魚山將鶴嶺清梵兩邊來
香煙聚為塔花雨積成臺空心論佛性真氣辯僊才
靈盤高掌滴風烏平翅迴無勞無待詔自識昆明灰

庚集二

奉和賜曹美人

月光如粉白秋露似珠圓絡緯無機織流螢帶火寒
何年迎弄玉今朝得夢蘭評許能含笑芙蓉宜熟看

就蒲州使君乞酒

蕭瑟風聲慘蒼茫雪貌愁烏寒樓不定池疑聚未流
蒲城桑落熟霸岸菊花秋願持河北飲分勸東陵侯

別張洗馬樞

別席慘無言離悲兩相顧君登蘇武橋我見楊朱路
關山負雪行河水乘冰渡願子着朱鷺知余在玄菟

別周尚書弘正

扶風石橋北函谷故關前此中一分手相逢知幾年

黃鵠遂返顧徘徊應愴然自知悲不已徒勞減瑟絃
卧疾窮愁

危慮風霜積窮愁歲月侵留蛇常疾首暎弩屢驚心
稚川求藥錄君平問卜林野老時相訪山僧或見尋
有菊翻無酒無弦則有琴詎知長抱膝獨爲梁父吟

率爾成詠

管爲謝安石求爲淮海人彷彿新亭岸猶言洛水濱
南冠今別楚荆玉遂遊秦儻使如楊僕寧爲關外人
同盧記室從軍

河圖論陣氣金匱辯星文地中鳴鼓角天上下將軍
函犀恒七屬路鐵本千羣飛梯聊度絳合弩斲陵汾

庚集二

八

狂寇先中斷妖營卽兩分連烽對嶺度嘶馬隔河聞
箭飛如疾雨城崩似壞雲英王於此戰何用武安君
北園射堂新成

軒臺聊可習僊的不難登轉箭初調筈橫弓先望棚
驚心一鴈落連臂兩猿騰直知王濟巧誰覺魏舒能
空心不死樹無葉未枯藤擇賢方至此傳卮欣得朋
慨然成詠

新春光景麗遊子離別情交讓未全死梧桐唯半生
值熱花無氣逢風水不平寶鷄雖有祀何時能夏鳴

奉和示內人

然香鬱金屋吹管鳳凰臺春朝迎雨去秋夜隔河來

聽歌雲卽斷聞鶴琴倒回春窻刻鳳下寒壁畫花開
定取流霞氣時添承露杯

夢入堂內

彫梁舊刻杏香壁本泥椒幔繩金麥穗簾鉤銀蒜條
畫眉千度拭梳頭百遍撩小衫裁褱臂纏絃指抱腰
日光釵釵動窻影鏡花搖歌曲風吹韻笙簧火炙調
卽今須戲去誰復待明朝

衛王贈桑落酒奉答

愁人坐狹斜喜得送流霞
跂窻催酒熟停杯待菊花
霜風亂飄葉寒水細澄沙
高陽今日晚應有接甌斜

望野

庚集二

九

試策千金馬來登五丈原有城仍舊縣無樹卽新村
水向蘭池泊日斜細柳園涸渚通沙路寒渠塞水門
但得風雲賞何須人事論

和王內史從駕

冬狩出離宮還過獵武功澗橋偏礙馬山虛響絕弓
夏羸承落鷹韓盧鬪螯熊猶開三面網誰肯一山重

對宴齊使

歸軒下賓館送蓋出河堤酒正離杯促工歌別曲悽
林寒木皮厚沙回鷹促飛故人儻有訪知余已執珪

同州還

赤岸繞新村青城臨綺門范睢新入相穰侯始出藩

倚麗夢
比李玉溪
常西料
於此

上林催獵響。河橋爭渡喧。麋雉飛橫澗。藏狐入斷原。
將軍高宴晚。來過青竹園。

待從徐國公殿下行軍

八風占陣氣。六甲候兵韜。置府仍張幕。麾軍卽秉旄。
長旄臨廣武。烽火照城臯。巡寒重挾纊。酌水勝單醪。
陣後雲逾直。兵深星轉高。電焰驅龍馬。山精鏤寶刀。
塞迥翻榆葉。關寒落鷹毛。旣得從神武。何須念久勞。

同會河陽公新造山池聊得寓目

橫階仍鑿澗。對戶卽連峰。閭石疑藏虎。盤根似困龍。
沙洲聚亂荻。洞口礙橫松。引泉恒數派。開巖卽十重。
北閣聞吹管。南隣聽擊鐘。菊寒花正合。杯香酒絕濃。

庾集二

十

由來魏公子。今日始相逢。

山齋

寂寥尋靜室。蒙密就山齋。滴瀝泉澆路。穹隆石卧階。
淺槎全不動。盤根唯半埋。明珠墜晚菊。細火落空槐。
直置風雲慘。彌憐心事乖。

和吳瀆師遊昆明池二首

遊客重相懽。連鑿出上蘭。值泉傾蓋飲。逢花住馬看。
平湖泛玉軸。高堰歇金鞍。半道聞荷氣。中流覺水寒。
秋光麗晚天。鷗舸泛中天。密菱障浴鳥。高荷浸釣船。
碎珠縈斷菊。殘絲繞折蓮。落光催十酒。棲鳥送一絃。

遊山

的是新造山池

細火之落字
槐一自聲
謝聖極

聊登玄圃殿。更上增城山。不知高幾里。低頭看世間。
唱歌雲欲聚。彈琴鶴欲舞。澗底百重花。山根一片雨。
婉婉藤倒垂。亭亭松直豎。

和樂儀同苦熱

火井沈熒散。炎洲高焰通。鞭石未成雨。鳴鳶不起風。
思爲鸞翼扇。願備明光宮。臨淄迎子禮。中散就安豐。
美酒含蘭氣。甘瓜開蜜筒。寂寥人事屏。還得隱墻東。

別庾七入蜀

峻嶺拂陽烏。長城連蜀都。石銘懸劔壁。沙洲聚陣圖。
山長半腹斷。樹古半心枯。白來兄弟別。共念一荆株。

王昭君

庾集二

十一

拭啼辭戚里。迴顧望昭陽。鏡失菱花影。鈿除却月梁。
圍腰無一尺。垂淚有千行。衫身承馬汗。紅袖拂秋霜。
別曲真多恨。哀絃須更張。

示封中錄

貴館居金谷。關局隔葦街。高階旣激澗。廣閣更交柯。
葛巾久垂角。菊徑藺經過。冀君見杲顧。郊間光景佳。
問疾封中錄

形骸違學宦。狹巷幸爲閑。虹迴或有雨。雲合又含寒。
橫湖韻鶴下。迴溪狹猿還。懷賢爲榮衛。和緩惠何紈。

奉答賜酒鵝

雲光偏亂眼。風聲特噤心。冷綬披雪嘯。寒魚抱凍沈。

起得好意

句苦熱

今朝一壺酒。寔是勝千金。負恩無以謝。惟知就竹林。
詠春近餘雪。應詔

送寒開小苑。迎春入上林。絲條變柳色。香氣動蘭心。
待花思對酒。留雪擬彈琴。陪遊愧並作。空見奉恩深。
奉和平鄴應詔

天策引神兵。風飛掃鄴城。陣雲千里散。黃河一代清。
謹贈司寇淮南公

危邦久亂德。天策始乘機。九河聞誓衆。千里見連旂。
號亡垂棘反。齊平寶鼎歸。久弊風塵俗。殊勞關塞衣。
絆驥還千里。垂鵬更九飛。猶憐馬齒進。應念節旄稀。
迴軒入故里。園柳始依依。舊竹侵行徑。新桐益幾圍。

庾集一

十一

寒谷黎應重。秋林栗更肥。美酒還參聖。彫文本入微。
但歌迎趙瑟。遊絃召楚妃。小人司刺舉。明剔實濫吹。
南部治都尉。軍謀假建威。南山隱士石。丹水鳳皇磯。
野亭長被馬。山城早掩扉。傳呼擁絳節。交戟暎彤闈。
遂令亡楚操。何但食周薇。三十六水變。四十九條非。
丹竈風煙歇。年齡蒲柳衰。同僚敢不盡。疇日懼難追。

傷王司徒喪

咎聞王子晉。輕舉逐神僊。謂言君積善。還得嗣前賢。
四海皆流寓。非爲獨播遷。豈意中台折。君當風燭前。
自君鍾鼎族。江南三百年。寶刀仍世載。瑠戈本舊傳。
綠紱紆槐綬。黃金飾侍蟬。地建忠臣國。家開孝子泉。

興起

此言其家世

并生功業

才畧

啟唐批
律之因

年

此言病而至

死重傷難

別

此言叙世情

後意在懷

作結

自能枯木潤。足得流水圓。以君承祖武。諸侯無間然。
 青襟已對日。童子卽論天。穎陰珠玉麗。河陽脂粉妍。
 名高六國共。價重十城連。辯足觀秋水。文堪題馬鞭。
 迴鸞抱書字。別鶴繞琴絃。擁旄裁甸服。垂維非被邊。
 靜亭空擊馬。閑烽直起煙。不廢披書檄。無妨坐釣船。
 茂陵忽多病。淮陽實未痊。侍醫逾默默。神理遂緜緜。
 永別張平子。長埋王仲宣。柏谷移松樹。陽陵買墓田。
 陝路秋風起。寒堂已颯焉。丘楊一搖落。山火卽時燃。
 管爲人所羨。今爲人所憐。世途且或且。人情玄又玄。
 故人傷此別。留恨滿秦川。定名於此定。全德以斯全。
 唯有山陽笛。悽余思舊篇。

庾集二

三

預麟趾校書和劉儀同

止戈典禮樂。脩文盛典謨。壁開金石篆。河浮雲霧圖。
 芸香上延閣。碑石向鴻都。誦書徵博士。明經拜大夫。
 壁池寒水落。學市舊槐枯。高談變白馬。雄辯塞飛狐。
 月落將軍樹。風驚御史烏。子雲猶汗簡。溫舒正削蒲。
 連雲雖有閣。終欲想江湖。

喜晴應詔 勅自疏韻

御辯誠膺錄。維皇稱有建。雷澤管經漁。負夏時從販。
 柏梁驂四馬。高陵馳六傳。有序屬賓連。無私表平憲。
 河堤崩故柳。秋水高新堰。心齋愍昏墊。樂徹憐胥怨。
 禪河乘高論。灩輪開勝辯。王城水鬪息。洛浦河圖獻。

伏泉還習坎。歸風已迴巽。桐枝長舊圍。蒲節抽新水。
山藪欣藏疾。幽棲得無悶。有慶兆民同。論年天子萬。
從駕觀講武

校戰出長楊。兵攔入鬪塲。置陣橫雲起。開營鷹翼張。
門嫌磁石礙。馬畏鐵菱傷。龍淵觸牛斗。繁弱駭天狼。
落星奔驥驟。浮雲上驪驄。急風吹戰鼓。高塵擁具裝。
駭猿時落木。驚鴻屢斷行。樹寒條更直。枯菊轉生香。
伯略推全勝。龍圖揖所長。小臣欣寓目。還知奉會昌。
陪駕幸終南和宇文內史

玉山乘四載。瑤池宴八龍。竈橋浮少海。鶴蓋上中峯。
飛狐橫塞路。白馬當河衝。水奠三川石。山封五樹松。

庾集二

古

長虹雙瀑布。圓缺兩芙蓉。戍樓鳴鼓。山寺響晨鐘。
新蒲節轉促。短筍籜猶重。樹宿含櫻。花留釀蜜峰。
迎風下列闕。灑酒召昌容。且欣陪北上。方欲待東封。

和李司錄喜雨

純陽實久亢。雲漢乃昭回。臨河沈璧玉。夾道畫龍媒。
離光初繞電。震氣始乘雷。海童還竭石。神女向陽臺。
雲逐魚鱗起。渠隨龍骨開。崩沙雜水去。卧樹擁棗來。
嘉苗雙合穎。熟稻再含胎。屬此欣膏露。逢君摘按才。
愧乏將瓊玖。無酬美且俔。

庾開府詩集卷二

無一句不
是喜雨
故佳

庾開府詩集卷三

庾信 子山

詩

至老子廟應詔

虛無推馭辨。寥廓本乘蜺。三門臨苦縣。九井對靈溪。
成丹須竹節。量藥用刀圭。石似臨邛芋。芝如封禪泥。
龍毛新鶴小。盤根古樹低。野戍孤煙起。春山百鳥啼。
路有三千別。途經七聖迷。唯當別關吏。直向流沙西。

泰在司水看治渭橋

大夫參下位。司職涓之陽。富平移鐵鎖。甘泉運石梁。
跨虹連絕岸。浮龜續斷航。春洲鸚鵡色。流水桃花香。

庾集三

一

星精逢漢帝。鈞叟值周王。平堤石岸直。高堰柳陰長。
美言杜元凱。河橋獨舉觴。

奉和灋筵應詔

五城隣北極。百雉壯西昆。鈞陳橫複道。閭闔抵靈軒。
千柱蓮花塔。由旬紫紺園。佛影胡人記。經文漢語翻。
星窺朱鳥牖。雲宿鳳凰門。新禽解雜轉。春柳卧生根。
早雷驚蟄戶。流雪長河源。建始移文讓。徽音種合昏。
風飛扇天辯。泉湧屬絲言。羈臣從散木。無以預中天。
遙可望。終類仰。鷗絃。

和宇文內史入重陽關

北原風雨散。南容宮衛踈。待詔還金馬。儒林歸石渠。

徒懸仁壽鏡。空聚茂陵書。竹淚垂秋筍。蓮衣落故渠。
顧城始移廟。陽陵正徙居。舊蘭憔悴長。殘花爛熳舒。
別有昭陽殿。長悲故婕妤。

和人日晚景宴昆明池

餘春足光景。趙李舊經過。上林棗腰細。新豐酒泛多。
小船行釣鯉。新盤待摘荷。蘭臯徒稅駕。何處有凌波。

昭君辭應詔

斂眉光祿塞。還望夫人城。片片紅顏落。雙雙淚眼生。
冰河牽馬渡。雪路抱鞍行。胡風入骨冷。夜月照心明。
方調琴上曲。變入胡笳聲。

對酒歌

庾集三

二

春水望桃花。春洲藉芳杜。琴隨綠珠偕。酒就文君取。
牽牛向渭橋。日曝山頭脯。山簡接籬倒。王戎如意舞。
箏鳴金谷園。笛韻平陽塢。人生一百年。歡笑唯三五。
何處覓錢刀。求爲洛陽賈。

歲晚出橫門

年華改歲陰。遊客喜登臨。據鞍垂玉帖。橫腰帶水心。
冰弱浮橋沒。沙虛馬迹深。倚弓依石岸。迴牀向柳陰。
智瓊來勸酒。文君過聽琴。明朝雲雨散。何處更相尋。

入道士館

金華開八景。玉洞上三危。雲袍白鶴度。風管鳳凰吹。
野衣縫蕙葉。山中蓼筍皮。何必淮南館。淹留攀桂枝。

去聲

枝

望月

夜光流未曙。金波影尚賒。照人非七子。含風異九華。
莫新半壁上。桂滿獨輪斜。乘舟聊可望。無假遂僊槎。

詠樹

交柯乍百頃。擢本或千尋。楓子留為式。桐孫待作琴。
殘枝移桃種。空花植棗林。幽居對蒙密。蹊徑轉深沈。

奉和趙王西京路春日

直城龍首抗。橫橋天漢分。風鳥疑近日。露掌定高雲。
新渠還入渭。舊鼎更開汾。漢獵熊攀檻。秦田雉失羣。
宜年動春律。御宿歛寒氛。弄玉迎蕭史。東方覓細君。

庚集三

三

楊柳成歌曲。蒲桃學繡文。鳥鳴遠獨解。花開先自薰。
誰知灞陵下。猶有故將軍。

奉和趙王送峽中軍

樓船聊習戰。白羽試搗軍。山城對却月。岸陣抵平雲。
赤蛇懸弩影。流星抱劔文。胡笳遙警夜。塞馬闇嘶羣。
客行明月峽。猿聲不可聞。

奉和趙王看伎

綵珠歌扇薄。飛燕舞衫長。琴曲隨流水。簫聲逐鳳皇。
細管纏鐘格。圓花釘鼓牀。懸知曲不誤。無事畏周郎。

奉和趙王美人春日

直將劉碧玉。來過陰麗華。祇言滿屋裏。併作一園花。

倚麗
艷

新藤亂上格。春水漫吹沙。步搖釵梁動。紅輪被角斜。
今年逐春處。先向石崇家。

奉報窮秋寄隱士

王倪逢啗缺。桀溺遇長沮。梨牀負日固。麥隴帶經鋤。
自然曲木几。無名科斗書。聚花聊飼雀。穿池試養魚。
小村治澁路。低田補壞渠。秋水牽沙露。寒藤抱樹踈。
空枉平原騎。來過仲蔚廬。

正旦蒙賚酒

正旦辟惡酒。新年長命杯。柏葉隨銘至。椒花逐頌來。
流星向旄落。浮蟻對春開。成都已救火。蜀使何時來。
和裴儀同秋日

庾集三

四

蕭條依白社。寂寞似東臯。學異南宮敬。貧同北郭騷。
蒙吏觀秋水。萊妻紡落毛。旅人嗟歲暮。田家馱作勞。
霜天林木燥。秋氣風雲高。棲遑終不定。方欲涕霑袍。

有喜致醉

忽見庭生玉。聊欣蚌出珠。蘭芬猶載寢。蓬箭始懸弧。
既喜枚都尉。能歡陵大夫。頓朝中散客。連日步兵廚。
雜曲隨琴用。殘花聽酒頤。脆梨裁數實。甘查唯一株。
兀然已復醉。搖頭歌鳳雛。

奉報寄洛州

舟師會孟津。甲子陣東隣。雷轅驚戰鼓。劔室動金神。
幕府風雲氣。軍門關塞人。長旂析鳥羽。合甲抱犀鱗。

星芒一丈焰，月暈七重輪。黎陽水稍涿，官渡柳應春。
無庸奉天睽，驅傳牧南秦。繁詞勞簡牘，雜俗弊風塵。
上洛逢都尉，商山見逸民。留滯終南下，唯當一史臣。

見遊春人

長安有狹斜，金穴盛豪華。連杯勸上馬，亂菓擲行車。
深紅蓮子豔，細錦鳳凰花。那能學嗽酒，無趣似藥巴。

和宇文內史春日遊山

遊客值春輝，金鞍上翠微。風送花迎面，山深雲濕衣。
鷹持一足倚，猿將兩臂飛。戍樓侵嶺路，山村落獵圍。
道士封君達，僊人丁令威。煇丹於此地，居然未肯歸。

見征客始還遇獵

庾集三

五

貳師新受詔，長平正覬歸。猶言乘戰馬，未得解戎衣。
上林遇逐獵，宜春暫合圍。漢帝熊猶憤，秦王雉更飛。
故人迎僭問，舊念始依依。河邊一片石，不復肯支機。

賦得結客少年場

結客少年場，春風滿路香。歌撩李都尉，菓擲潘河陽。
隔花遙勸酒，就水更移牀。今年喜夫婿，新拜羽林郎。
定知劉碧玉，偷嫁汝南王。

幽居值春

山人久陸沈，幽徑忽春心。決渠移水碓，開園掃竹林。
欵橋久半斷，崩岸始斜侵。短歌吹細笛，低聲泛古琴。
錢刀不相及，耕種且須深。長門一紙賦，何處覓黃金。

奉報趙王出師在道賜詩

上將出東平先定下江兵
彎弓伏石動振鼓沸沙鳴
橫海將軍號長風駿馬名
雨歇殘虹斷雲歸一鷹征
聞巖朝石濕空山夜火明
低橋澗底度便路花中行
錦車同達節魚軒異泊營
軍中女子氣塞外夫人城
小人乖攝養歧路阻逢迎
幾月芝田熟何年金竈成
哀笳關塞曲嘶馬別離聲
王子身為寶深思不倚衡

道士步虛詞十首

渾成空教立元始正圖開
赤玉靈文下朱陵真氣來
中天九龍館倒景八風臺
雲度絃歌響星移宮殿迴
青衣上少室童子向蓬萊
逍遙聞四會倏忽度_{災三}

庾集三

六

無名萬物始有道百靈初寂絕
乘丹氣玄明上玉虛
三元隨節建八景逐迴輿
赤鳳來銜璽青鳥入獻書
壞机仍成机枯魚還作魚
棲心浴日館行樂止_{墟雲}
疑真天地表絕相寂寥前
有鳥猶虛豁忘形本自然
開經壬子世值道甲申年
迴雲隨舞曲流水逐歌絃
石髓香如飯芝房翠似蓮
停鸞讌瑤水歸路上_{鳴天}
道生乃太一守靜即玄根
中和煉九氣甲子謝三元
居心受善水教學重香園
鳧留報關吏鶴去畫城門
更以欣無迹還來寄絕言

洞靈尊上德虞石會明真
要妙思玄絕虛無養谷神
丹丘乘翠鳳玄圃御班麟
移梨付苑吏種杏乞山人

自此逢何世。從今復幾春。海無三尺水。山成數寸塵。

東明九芝蓋。北燭五雲車。飄颻入倒景。出沒上煙霞。
春泉上玉雷。青鳥向金華。漢帝看桃核。齊侯問棗花。

上元應送酒。來向蔡經家。

歸心遊太極。迴向入無名。五香芬紫府。千燈照赤城。
鳳林採珠寶。春山種玉筍。夏笛三山響。春鐘九乳鳴。
絳河應遠別。黃鵠來相迎。

北閣臨玄水。南宮坐絳雲。龍泥印玉策。天火煉真文。

上元風雨散。中天歌吹分。靈駕千尋上。空香萬里聞。

地鏡堦基遠。天窓影迹深。碧玉成雙樹。空青爲一林。
鵝巢堪煉石。蜂房得煮金。漢武多驕慢。淮南不小心。

蓬萊入海底。何處可追尋。

庚集三

七

麟州一海闊。玄圃半天高。浮丘迎子晉。若士避盧敖。
經飡林慮李。舊食綏山桃。成丹須竹節。刻髓用蘆刀。
無妨隱士去。卽是賢人逃。

登州中新閣

跨虛凌倒景。連雲詎少陽。璇極龍鱗上。雕甍鵬翅張。
千尋文杏照。十里木蘭香。開堂對高掌。平坐望河梁。
歌響聞長樂。鐘聲徹建章。賦用王延壽。書須韋仲將。
龍來隨畫壁。鳳起逐吹簞。石作芙蓉影。池如明鏡光。
花梁反披葉。蓮井倒垂房。徒然思燕賀。無以預鷗翔。

和從駕登雲居寺

重巒千仞塔危磴九層臺石關恒逆上山梁乍斗迴
塔下雲峰出窓前風洞開隔嶺鐘聲度中天梵響來
于時欣侍從於此暫徘徊

冬狩月四韻連句應詔

三川羽檄馳六郡良家選觀兵細柳城校獵長楊苑
驚雉避鷹飛騰猿看箭轉鳴笳河曲還猶憶南皮反
和江中賈客

五兩開船頭長橋發新浦懸知岸上人遙振江中鼓

山中

澗暗泉偏冷巖深桂絕香住中能不去非獨淮南王

野步

庾集三

八

值泉仍飲馬逢花卽舉杯稍看城闕遠轉見風雲來

行途賦得四夏應詔

四夏天欲曙落月垂關下深谷暗藏人欹松橫礙馬

弄琴二首

雉飛催晚別烏啼驚夜眠若交新曲變惟須促絃

不見石城樂惟聞鳥噪林新聲逐絃轉應得動春心

題結綫袋子

交絲結龍鳳鏤彩織雲霞一寸同心縷千年長命花

集周公處連句

市朝一朝變蘭艾本同焚故人相偕問平生如所聞

秋日

蒼茫望落景。羈旅對窮秋。賴有南園菊。殘花足解愁。

對酒

數杯還已醉。風雲不復知。唯有龍吟笛。桓伊能獨吹。

奉梨

接枝秋轉晚。含情落夏香。擎置僊人掌。應添瑞露漿。

送衛王南征

望水初橫陣。移營寇未降。風塵馬足起。先暗廣陵江。

奉和趙王

花遙自相雋。花林鳥未棲。比看中郎醉。堪聞烏夜啼。

春日極飲

檻前聞鳥轉。園裏對花開。就中言不醉。紅袖捧金杯。

庾集三

九

閨怨

明鏡圓花發。空房故怨多。幾年留織女。還應聽渡河。

贈別

藏啼留送別。拭淚強相參。誰言畜衫袖。長代手中沾。

春望

春望上春臺。春窻四面開。落花何假拂。風吹會併來。

代人傷往二首

青田松上一黃鶴。相思樹下兩鴛鴦。無事交渠更相失。不及從來莫作雙。

雜樹本惟金谷苑。諸花舊滿睢陽城。正是古來歌舞處。今日看時無地行。

和張侍中述懷

陽窮乃悔吝。世季誠屯剝。奔河絕地維。折柱傾天角。
成羣海水飛。如雨天星落。負鍤遂移山。藏舟終去壑。
生民忽已魚。君子徒爲鶴。疇昔逢知己。生平荷恩渥。
故組竟無聞。程嬰空寂寞。永嘉獨流寓。中原唯鼎鑊。
道險卧樵櫨。身危累素殼。漂流從木梗。風卷隨秋籜。
張翰不歸吳。陸機猶在洛。漢陽錢遂盡。長安米空索。
時占季主龜。乍取韓康藥。伏轅終入絆。垂翅猶離繳。
徒懷琬琰心。空守黃金諾。號節終無寄。齊秦竟何託。
大夫唯閔周。君子常思亳。寂寥共羈旅。蕭條同負郭。
農談止穀稼。野膳唯藜藿。操樂楚琴澁。忘憂魯酒薄。

庚集三

十

涓濱觀坐釣。谷口看秋穫。唯有丘明恥。無祭復期樂。
夷則火星流。天根秋水涸。冬嚴日不暖。歲晚風多朔。
楊浮有怪雲。細凌聞災雹。木皮二寸厚。涇泥五斗濁。
雖欣曲轅樹。猶懼雕陵鵲。生涯實有殆。天道終虛橐。
且悅善人交。無疑朋友數。何時得雲雨。復見翔寥廓。

郊行值雪

風雲俱慘慘。原野共茫茫。雪花開六出。冰珠映九光。
還如驅玉馬。暫似獵銀獐。陣雲全不動。寒山無物香。
薛君一狐白。唐侯兩驕驍。寒關日欲暮。披雪度河梁。

同顏大夫初晴

如陽含水氣。反景照移堤。濕花飛來遠。陰雲斂向低。

燕燥還爲石龍殘。更是泥香泉酌冷澗。小艇釣蓮溪。但使心齊物何愁物不齊。

夜聽搗衣

秋夜擣衣聲飛度長門城。今夜長門月應如晝日明。小鬟宜粟瑱圓腰運織成。秋砧調急節亂杵變新聲。石燥礧愈響桐虛杵絕鳴。鳴石出華陰虛桐採鳳林。北堂細腰杵南帝女郎砧擊節無勞鼓調聲不用琴。並結連枝縷雙穿長命鉞倡樓驚別怨征客動愁心。同心竹葉梳雙去雙來滿裙裾不奈長衫袖偏宜短。龍文縷翦刀鳳翼纏篋管風流響和韻哀怨聲悽斷。新聲繞夜風嬌轉滿空中應聞長樂殿判徹昭陽宮。

庚集三

十一

花鬢醉眼纈龍子細文紅玉塔風轉急長城雪應闇。新綬始欲縫細錦行須纂聲煩廣陵散杵急漁陽摻。新月動金波秋雲泛濫過誰憐征戍客今夜在交河。羽觴離別賦臨江愁思歌復今悲此曲紅顏餘幾多。

歸田

務農勤九穀歸來嘉一壘穿渠移水碓燒棘起山田。樹陰逢歇馬魚潭見灑船苦李無人摘秋瓜不直錢。牡雞新欲伏原蠶始更眠今日張平子翻爲人所憐。

任洛州酬薛文學贈別

子居河之曲英彥本連蹤。鹽形成變虎鼎氣乍成龍。若人承載德宮牆定數重五衢關辯路四照起文風。

日餘濫推轂。民願始天從。上洛分都尉。弘農開附庸。
羊場連九坂。熊耳對雙峰。白石僊人芋。青林隱士松。
北梁送孫楚。西堤別葛龔。故人儻書札。黎陽土足封。

園庭

杖鄉從物外。養學事閑郊。窮愁方汗簡。無遇始觀爻。
谷寒已吹律。簷空更翦茅。樵隱桓同路。人禽或對巢。
水蒲開晚結。風竹解寒苞。古槐時變火。枯楓乍落膠。
倒甃迎懸榻。停琴聽解潮。香螺酌美酒。枯蚌藉蘭肴。
飛魚時觸釣。翳雉屢懸庖。但使相知厚。當能來結交。

春報賜酒

梁王脩竹園。冠蓋風塵喧。行人忽枉道。直進桃花源。

東集三

七

稚子還羞出。驚妻到閉門。始聞傳上命。定是賜中樽。
野鑪燃樹葉。山杯捧竹根。風池還夏暖。寒谷遂長暄。
未知稻梁鷹。何時能報恩。

且上司憲府

詰旦啓門闌。繁辭擁筆端。蒼鷹下獄吏。獬豸飾刑官。
司朝引玉節。盟載捧珠盤。窮紀移星次。歸餘律未殫。
雪高三尺厚。冰深一丈寒。短筍猶埋竹。香心未起蘭。
孟門久失路。扶搖忽上傳。棲鳥還得府。棄馬復歸欄。
榮華名義重。虛薄報恩難。枚乘還起疾。貢禹遂彈冠。
方垂蓮葉劍。未用竹根丹。一知懸爲灑。誰思垂釣竿。

伏聞遊獵

虞旗喜且晴。獵馬向山橫。石關魚貫上。山梁鴈岐行。
雪平尋兔跡。林叢聽雉鳴。馬嘶山谷響。弓寒桑柘鳴。
聞絃鳥自落。望火獸虛驚。無風樹即正。不凍水還平。
誰知茂陵下。願入睢陽城。

寒園卽日

寒園星散後。搖落小村墟。遊僊半壁畫。隱士一牀書。
子月泉心動。陽爻地氣虛。雪花深數尺。冰牀厚尺餘。
蒼鷹斜望雉。白鷺下看魚。更想東都外。郡公別二疎。

奉答賜酒

僊童下赤城。僊酒餉王平。野人相就飲。山鳥一羣驚。
細雪翻沙下。寒風戰鼓鳴。此時逢一醉。應枯反夏榮。

庚集三

十三

蒙賜酒

金膏下帝臺。玉歷在蓬萊。僊人一遇飲。承得兩三杯。
忽聞桑葉落。正值菊花開。阮籍披衣進。王戎含笑來。
從今覓僊藥。不假向瑤臺。

答王司空餉酒

今日小園中。桃花數樹紅。開君一壺酒。細酌三春風。
未能浮畢卓。猶足舞王戎。僊人一捧露。判不及杯中。

蒲州刺史中山公許乞酒一車未送

細柳望蒲臺。長河始一迴。秋桑幾過葉。春蟻未曾開。
瑩角非難馭。搥輪稍可催。只言千日飲。舊逐中山來。

奉和趙王遊僊

藏山還採藥，有道得從師。京兆陳安世，成都李意期。
玉京傳相鶴，太乙授飛龜。白石香新芋，青泥美熟芝。
山精逢照鏡，樵客值圍棋。石紋如碎錦，藤苗似亂絲。
蓬萊在何處，漢后欲遙祠。

奉和趙王隱士

洛陽徵五隱，東都別二賢。雲氣浮函谷，星光集潁川。
灞陵採樵路，成都賣卜錢。鹿裘披稍裂，黎牀坐欲穿。
阮籍唯長嘯，嵇康訝一絃。澗險無平石，山深足細泉。
短松猶百尺，少鶴已千年。野鳥繁絃轉，山花焰火然。
洞風吹戶裏，石乳滴窻前。雖無亭長識，終見野人傳。

奉和泛江

庾集三

十四

春江下白帝，畫舸向黃牛。錦纜迴沙清，蘭橈避荻洲。
濕花隨水泛，空巢逐樹流。建平船旆下，荆門戩艦浮。
岸社多長樹，山城足迥樓。日落江風靜，龍吟迴上遊。

奉和趙王喜雨

玄霓臨日谷，封蟻對雲臺。投壺欲起電，倚柱欲驚雷。
白沙如濕粉，蓮花類洗杯。驚鳥灑翼濕，度鴈斷行來。
浮橋七星起，高堰六門開。猶言祀蜀帝，卽似望荆臺。
厥田終上上，原野自莓苔。

庾開府詩集卷三

庾開府詩集卷四

庾信 子山

詩

奉和趙王途中五韻

飄飄暎軍幕。出沒望連旌。度雲還翊陣。風迴即送師。
峽路少如月。山峯石似眉。村桃拂紅粉。岸柳被青絲。
錦城遙可望。迴鞍念此時。

奉和趙王春日

城旁金谷苑。園裏鳳凰池。細管調歌曲。長衫教舞兒。
作人長眼臉。由來薄面皮。梅花絕解作。樹葉本能吹。
香煙龍口出。蓮子帳中垂。莫畏無春酒。須花但見隨。

庾集四

上益州上柱國趙王二首

銅梁影棠樹。石鏡寫寒帷。兩江恒漬錦。雙峯自畫眉。
穿荷低晚蓋。衰柳掛殘絲。風流盛儒雅。泉湧富文詞。
無因同子淑。暫得侍臨淄。
寂寞歲陰窮。蒼茫雲貌同。鶴毛飄亂雪。車鼓轉飛蓬。
鴈歸知向暖。鳥巢解背風。寒沙兩岸白。獵火一山紅。
願想玄鷄弊。時嗟陋巷空。

五言詠畫屏風詩二十五首

俠客重連鑣。金鞍被桂條。細塵鄣路起。驚花向眼飄。
酒薰人半醉。汗濕馬全驕。歸鞍畏日晚。爭路上河橋。
浮橋翠蓋擁。平旦擁門開。石崇迎客至。山濤載妓來。

角麗之五

水紋怕獨轉風花直亂迴誰能惜紅袖迎用捧金杯

停車小苑外杯酒長橋前蒹葭迎擁楫平荷直蓋船

殘絲繞折藕菱葉暎低蓮遙望芙蓉影只言水底

昨夜鳥聲春驚鳴動四隣今朝梅樹下定有評花人

流星浮酒泛粟瑱繞杯脣何勞一片雨喚作陽臺

逍遙遊桂花寂絕到桃源狹石分花徑長橋暎水門

管聲驚百鳥人衣香一園定知歡未足橫琴坐石

三春冠蓋聚八節絃管遊石險松橫植巖懸澗豎流

小橋飛斷岸高花出迥樓定須催十酒將來宴五

高閣千尋起長廊四注連歌聲上扇月舞影入琴絃

澗水繞窓外山花即眼前但願長歡樂從今盡年

庚集四

二

日晚金韃路朱軒流水車轆拂綠堤柳甍飄夾路花

定逆劉碧玉將過陰麗華非是高陽路莫畏接斜

徘徊出桂窠徒倚就花林下橋先勸酒跂石始調絃

蒲低猶抱節竹短未空心絕愛猿聲近唯憐花徑

千尋木蘭館百尺芙蓉堂落日低蓮井行雲礙女梁

流水桃花色春洲杜若香上階猶不進催來就伎

擣衣明月下靜夜秋風飄錦石平磯面蓮房接杵腰

急節迎秋韻新聲入手調寒衣須及早將寄霍標

水沒看樓殿間闕望綺羅翔禽逐節舞流水赴絃歌

細管吹叢竹新杯卷半荷南宮冠蓋下日暮風塵

玉押珠簾捲金鉤翠幔懸荷香薰水殿閣影入池蓮

清
新
俊
有
遠
意
而

平沙臨浦口。高柳對樓前。上橋還倚望。遙看採菱船。

金鞍聚磧岸。玉舳泛中流。畫鷁先防水。媒龍卽負舟。

沙城疑海氣。石岸似江樓。萌槎時半沒。壞舸或空浮。

定是汾河上。戈船來試遊。

竟日坐春臺。芙蓉承酒杯。水流平澗下。山花滿谷開。

行雲數番過。白鶴一雙來。水影搖叢竹。林香動落梅。

直上山頭路。羊腸能幾迴。

高閣千尋跨。重簷百丈齊。雲度三分近。花飛一倍底。

吹簫迎白鶴。照鏡舞山鷄。何勞愁日暮。未有夜烏啼。

河流值淺岸。斂轡暫經過。弓衣濕濺水。馬足亂橫波。

半城斜出樹。長林直枕河。今朝遊俠客。不畏風塵多。

庾集四

三

度橋猶徙倚。坐石未傾壺。淺草開長埒。行營繞細廚。

沙洲兩鶴迴。石路一松孤。自可尋丹竈。何勞憶壺。

上林春徑密。浮橋柳路長。龍媒逐細草。鶴鬢映垂楊。

水似桃花色。山如甲煎香。白石春泉上。誰能待月光。

白石春泉滿。黃金新埒開。戚里車先度。蘭池馬卽來。

落花承舞席。春衫拭酒杯。行廚半路待。載妓一河雙。

將軍息邊務。校尉罷從戎。池臺臨戚里。絃管入新豐。

浮雲隨走馬。明月逐彎弓。比來多歇獵。唯有上林中。

三危上鳳翼。九坂度龍鱗。路高山裏樹。雲低馬上人。

懸巖泉溜響。深谷鳥聲春。住馬來相問。應知有秦姝。

聊開鬱金屋。暫對芙蓉池。水光連岸動。花風合樹吹。

春杯猶雜泛。細菓尚連枝。不畏歌聲盡。先看菊散。
洞靈開靜室。雲氣滿山齋。古松栽數樹。盤根無半埋。
愛靜魚爭樂。依人鳥入懷。仲春徵士。蒲輪上計。
今朝好風日。園苑足芳菲。竹動蟬爭散。蓮搖魚暫飛。
面紅新着酒。風晚細吹衣。跂石多時望。蓮船始復歸。

徐報使來止得一相見

一面還千里。相思那得論。更尋終不見。無異桃花源。

聽歌

協律新教罷。河陽始學歸。但令聞一曲。餘聲三日飛。

看舞

鸞迴不假學。鳳舉自相關。到嫌衫袖廣。恒長礙舉鬟。

庾集四

四

移樹

酒泉移石襟。河陽徙石榴。雖言有千樹。何處似封侯。

忽見檳榔

縹房千子熟。紫穉百花開。莫言行萬里。曾經相識來。

奉梨已見

接枝秋轉脆。含銷落夏香。擎置僊人掌。應甜甘露漿。

山齋

石影橫臨水。山雲半繞峯。遙想中山店。懸知春酒濃。

和淮南公聽琴聞絃斷

嗣宗看月夜中散。對行雲一絃。終獨韻猶足。動文君。

新月

鄭環唯半出秦鉤本獨懸若交臨酒影堪言照弩弦

遷山二首

金竈新和藥銀臺舊聚神相看但莫怯先師應識人
石軟如香飯鉛銷似熟銀蓬萊暫近別海水遂成塵

奉和平鄴

天策引神兵飛風掃鄴塵陣雲千里散黃河一代清

賦得鸞臺

九成吹玉瑄百尺上瑤臺能將秦女去終是鳳凰來

暮秋野興賦得傾壺酒

劉伶正捉酒中散欲彈琴但使逢秋菊何須就竹林

傷往二首

庾集四

五

見月長垂淚看花即斂眉從今一別後知作幾年悲
鏡塵言若厚蟲絲定幾重還是臨窻月今秋迴照松

和侃灑師前後三絕

秦關望楚路霸岸想江潭幾人應落髮看君馬南

客遊經歲月羈旅故情多近學衡陽鴈秋分俱度

迴首河堤望眷眷嗟離絕誰言舊國人在他鄉別

賦得荷

秋衣行欲製風蓋漸應歇若有千年蔡須巢但見隨

看妓

長思浣沙石空想擣衣碓臨邛若有使為說解琴心

塵鏡

風皇
子山詩多用

竟唐
近蘇

盛唐

明鏡如明月。恒長置匣中。何須照兩鬢。終是一秋蓬。
詠羽扇

搖風碎朝翻。拂汗落毛衣。定似回谿路。將軍垂翅歸。

寄王琳

玉關道路遠。金陵音信疎。獨下千行淚。開君萬里書。

和劉儀同臻

南登廣陵岸。迴首落星城。不言臨舊浦。烽火照江明。

和庾四

離關一長望。別恨幾重愁。無妨對春日。懷抱只言秋。

寄徐陵

故人儻思我。及此平生時。莫待山陽路。空聞吹笛悲。

庾集四

送周尚書弘正 三首

陽關萬里路。不見一人歸。唯有河邊鴈。秋時南向飛。
交河望合浦。玄菟想朱鳶。共此無期別。知應復幾年。
離期定已促。別淚轉無從。唯愁郭門外。應足數株松。

春日離合 二首

秦青初變曲。未有遂琴心。明年花樹下。月月來相尋。

田家足閒暇。士友暫留連。三春竹葉酒。一曲鷓鴣絃。

入彭城館

襄君前建國。項氏管稜威。鷓鴣傷楚戰。雞鳴悲漢。
世代殊民俗。風雲更盛衰。水流浮磬動。山喧雙飛。
憂餘花欲盡。秋近鷺將稀。槐庭垂緜。穗蓮浦落紅衣。

徒知日云暮不見舞雩歸

怨歌行

家佳金陵縣前嫁得長于少年回頭望鄉淚落不知
何處天邊胡塵幾日應盡漢月何時變圓爲君能歌
此曲不覺心隨斷絃

烏夜啼二首

促柱繁絃非子夜歌聲舞態異前谿御史府中何處
宿洛陽城頭那得棲彈琴蜀郡卓家女織錦秦川竇
氏妻詐不自驚長淚落樹頭啼烏恒夜啼

桂樹懸知遠風竽詐肯低獨憐明月夜孤飛猶未棲
虎賁誰見惜御史詐相攜雖言入弦管終是曲中啼

庚集四

七

出自薊北門行

薊門還北望役役盡傷情關山連漢月隴水向秦城
笳寒蘆葉脆弓凍絃鳴梅林能止渴複性可防兵
將軍連轉戰都護夜巡營燕山猶有石須勒幾人名

燕歌行

代北雲氣晝昏昏千里飛蓬無復根寒鷹丁丁一作

渡遼水桑葉紛紛落薊門晉陽山頭無箭竹踈勒城

中乏水源屬國征戍久離居陽關音信絕能踈願得

魯連飛一箭持寄思歸燕將書渡遼本自有將軍寒

風蕭蕭生水紋妾驚甘泉足烽火君訝漁陽少陣雲

自從將軍出細柳蕩子空牀難獨守盤龍明鏡餉秦

嘉辟惡生香寄韓壽春分燕來能幾日二月蠶眠不
復久洛陽遊絲百丈連黃河春冰千片穿桃花顏色
好如馬榆莢新開巧似錢蒲桃一杯千日醉無事九
轉學神僊定取金丹作幾服能令華表得千年

西門豹廟

君子爲利博達人樹德深蘋藻由斯薦樵蘇幸未侵
恭聞正臣類聚作直祀良識佩韋心容貌雖年代微猷若
可尋菊花隨酒馥槐影向窓臨鶴飛疑逐舞魚驚似
聽琴漳流鳴磴石銅爵影秋林

望渭水

樹似新亭岸沙如龍尾彎猶言吟暝浦應有落帆還

庾集四

八

和濬池初成清晨臨泛

千金高堰合百頃凌源開翻逢積草浪更識昆明灰
猿嘯風還急雞鳴潮卽來時看青雀舫遙逐貴洲迴

舟中望月

舟子夜離家開船望月華山明疑有雪岸白不關沙
天漢看珠蚌星橋視桂花灰飛重暈闕葦落獨輪斜

喜晴

比日思光景今朝始暫逢雨住便生熱雲晴卽作峯
水白澄還淺花紅燥更濃已歡無石燕彌欲棄土龍

詠春 互見昇風詩

逍遙遊桂苑寂絕想桃源狹口分花徑長橋映水門

律
直是唐

管聲驚百鳥。人衣香一園。定知歡未足。橫琴坐樹根。

晚秋

淒清臨晚景。踈索望寒階。庭濕凝墜露。搏風捲落槐。日氣斜還冷。雲峯晚更霾。可憐數行鴈。點點遠空排。

和山池

樂官多暇豫。望苑暫迴輿。鳴茄凌絕恨。飛蓋歷通渠。桂庭花未落。桐門葉半踈。荷風驚浴鳥。橋影聚行魚。日落含山氣。雲歸帶雨餘。

奉和夏日應令

朱簾卷麗日。翠幕蔽重陽。五月炎蒸氣。三時刻漏長。麥隨風裏熟。梅逐雨中黃。閉水帶井水。和粉雜生香。

庚集四

九

衫含蕉葉氣。扇動竹花涼。早菱生軟角。初蓮開細房。願陪僊鶴舉。洛浦聽笙簧。

舞

洞房花燭明。燕餘雙舞輕。頓履隨踈節。低鬟逐上聲。伴類聚轉行初進。衫飄曲未成。鸞迴鏡欲滿。鶴顧市應傾。已會天上學。詐見類聚地中生。

仰和何僕射還宅懷故

紫閣思朝罷。中臺文奏稀。無復千金笑。徒勞五日歸。步簷朝未掃。蘭房晝掩扉。苔生理曲處。網積迴文機。故瑟餘絃斷。歌梁秋燕飛。朝雲雖可望。夜帳定難依。願憑甘露入。方假慧燈輝。寧知洛城晚。還淚獨霑霏。

雙聲音
其時

衣

重別周尚書二首

陽關萬里道，不見一人歸。唯有河邊鴈，秋來南飛。
河橋兩岸絕，橫岐數路分。山川遙不見，懷袖遠相聞。

送吳灋師葬

龍泉今日掩石洞，卽時封玉匣。摧談柄，懸河落辨鋒。
香鑪猶是柏，麈尾更成松。郭門未十里，山迴已數重。
尚聞香閣梵，猶聽竹林鍾。送客風塵擁，寒郊霜露濃。
惟靈如不滅，神理定何從。

梅花

常年臘月半，已覺梅花闌。不信今春晚，俱來雪裏看。
樹動懸氷落，枝高出手寒。早知覓不見，真悔着衣單。

庾集四

十

舞媚孃

朝來戶前照鏡，含笑盈盈自看。眉心濃黛直點額，角
輕黃細安。祇疑落花謾去，復道春風不還。少年惟有
歡樂飲酒，那得留殘。

和穎川公秋夜

沈寥空色遠，葉黃淒序變。洞浦落遵鴻，長颿送巢燕。
千秋流夕景，百籟含宵嘯。峻維聆金析，曾臺切銀箭。

將命至鄴

大國脩聘禮，親鄰自此敦。張旃事原隰，賓序報成言。
西過犯風露，北指度輶轅。交歡直公子，展覲過王孫。

何以譽嘉樹。徙欣賦采蘋。四牢盈折俎。三獻盡罍樽。
人臣無境外。何日欣此言。風俗既殊阻。山河不復論。
無因旅南館。空欲登西門。眷然此別風。期幸共存。
歸軒下賓館。送蓋出河堤。酒正離杯促。歌工別曲悽。
村寒木皮厚。沙迥鴈飛低。故人儻相訪。知余已執珪。
將命至鄴。酬祖正員。

我臨皇九有聲。泊無堤。興文盛禮樂。偃武自岷黎。
承乏驅騏驥。旌旗事璇珪。古碑文字盡。荒城年代迷。
被隴文瓜熟。交膾香穗低。投瓊實有慰。報李更無蹊。
聘齊秋晚館中飲酒

庾集四

十一

漳流鳴二水。日色下三臺。無因侍清夜。同此月徘徊。

從軍行

河圖論陣氣。金匱辨星文。地中鳴鼓角。天上下將軍。
函犀恒七屬。洛鐵本千羣。飛梯聊度絳。合弩暫凌汾。
寇陣先中斷。妖營卽兩分。連烽對嶺度。嘶馬隔河聞。
箭飛如疾雨。城崩似壞雲。英王於此戰。何用武安君。

奉和同泰寺浮屠

岌岌凌太清。照殿比東京。長影臨雙闕。高層出九城。
拱積行雲礙。幡搖度鳥驚。花飛如始落。蓮合似初生。
輪重對月滿。鐸韻擬鸞聲。晝水流全注。圖雲色半行。
一作煙露晚一作盤猶滴珠朝火更明雖連博望苑還

接銀沙城。花香下桂殿。僊梵入伊笙。庶闌八解樂。方遣六塵情。

七夕

牽牛悲遙映。水織女正登車。星橋通漢使。擬石值仙槎。隔河相望近。經秋離別賒。愁將今夕恨。復著明年花。

庾開府詩集卷四終



馬貴與經籍考載周庾信文集四十卷。及江陵又有三卷。皆兵火不存。而滕王道嘗爲作序。今天府所存者止二十卷。皆自入魏以來所作。而哀江南賦實爲冠首。人間罕得而見也。右集止錄其詩。而文不載。觀

庾集四

二三

周朔寫

序末引少陵語爲正。其刻在唐之後無疑。信三世業文。以幼簡爲祖。以肩吾爲父。身長八尺。腰帶十圍。而黔婁偉才。亦其家鶩。故其文學之能跨越南北也。有由矣。當時王克殷不害等。皆以羈寓得還故土。惟王褒與信。名聲相埒。雖陳氏數請。武帝重惜其才。而終不及遣。其眷遇如此。余因重刻其集。於存餘堂。故識其略云。

夏晉陵朱承爵子儋拜記



朱子儋重刻庾開府詩四卷于存餘堂
引序末少陵語謂其集刻在唐後予近
得子山詩舊鈔校之首卷同存餘堂本
餘卷序次迥異凡多詩百十五首始
知子儋刻未備也庾信全集二十卷藏
之天府未知百六聽迴靈光殆無恙否
今考其詩集行世者唯予本為佳而匱
藏之侯識者覽焉述古堂識

